



Inatsisartut suleriaasianni § 36, immikkoortoq 1 naapertorlugu Naalakkersuisunut apeqquit imaatut saqqummiuppakka:

Naalakkersuisunut apequt:

1. **Inatsit suna atorlugu Naalakkersuisut aalajangerpat inissiaatileqatigiiffik Tuapannguani napasuliaq 7-imi inissiat kingulliit 30-it attartortunut pigisassanngortinneqassanngitsut?**
2. **Naalakkersuisut pilersaaruteqarpat inissiaatileqatigiiffik Tuapannguani napasuliat 4 - 6 init attartortunut pigisassanngortinneqarnissaannik?**
3. **Naalakkersuisunit siunertaanerluni Namminersorlutik Oqartussat sulisui innuttaasunit allanit pitsaanerusumik immikkut pineqassasut, siulliullutik initaarsinnaanissaminnut periarfissaqartinneqarnermikkut piginneqatigiilluni inissiaatileqatigiiffiup inissiaataasa inaataannut?**
 - a. **Inatsit suna atorlugu Namminersorlutik Oqartussat sulisui immikkut pitsaanerusumik pineqarpat?**

(Inatsisartuni ilaasortaq, Per Berthelsen Siumut)

Tunngavilersuut:

Piginneqatigiilluni inissiat pillugit Inatsisartut peqqussutaat nr. 2, 16. maj 2008-meersoq:

”§ 24, imm. 3 Kommuni, Namminersornerullutik Oqartussat (uani soorunami Namminersorlutik Oqartussat pineqarput Naalagaaffeqatigiinnerup allanngornerata kinguneranik) sanatitsisorluunniit pisussaapput, piginneqataassutiminnik inunnut, piginneqatigiilluni inissiaatillit peqatigiiffiata akuersineratigut piginneqatigiilluni inissiaatillit peqatigiiffianni ilaasortanngorsinnaasunut tunniussiniassallutik.”

Tassani Inatsisartut peqqussutaat nr. 2, 16. maj 2008-meersoq naapertorlugu ersarippoq Namminersorlutik Oqartussat peqqussummik allangortitseqqaartinnatik inissiamut



SIUMUT INATSISARTUNI ILAASORTAATITAT / LANDSTINGSGRUPPEN

piginneqatigiisummik piginneqatigiilluni inissiaatileqatigiinni piunasaqaammik
ikkussisinnaanngitsut inissiamut iserternissaminnut qinnuteqareermermi kingorna
akuerineqarsimasunut inissiaq tunniunneqarsinnaajunnaarlugu.

Erseqqissaatigissavara apeqqutit tamakkiisumik akineqarnissaat naatsorsuutigigakku
tunniunneqarneraniit ullut qulit qaangiutsinnagit.